



Bosna i Hercegovina
Federacija Bosne i Hercegovine
Kanton Sarajevo
JU Narodno pozorište Sarajevo
Obala Kulina Bana 9
tel: +387 33 445 138
e-mail: ureddirektora@nps.ba
website: www.nps.ba
UPRAVNI ODBOR
Sarajevo, 04.09.2025.godine
Broj: 05-5810/25

Z A P I S N I K

**Sa prve, redovne sjednice vd Upravnog odbora
JU Narodno pozorište Sarajevo
održane 04.09.2025.godine**

Prisutni: Edina Papo, vd predsjednica; Amila Ramović, vd članica; Mirza Pašić, vd član; Ljubica Pihljak, vd članica; Merima Lepić-Redžepović, vd članica; Edin Mustafić, direktor i Lejla Bračković, rukovodilac EPS
Za sjednicu predložen i usvojen sljedeći:

DNEVNI RED:

1. Konstituiranje vršioca dužnosti Upravnog odbora JU Narodno pozorište Sarajevo u skladu sa Rješenjem Vlade KS o imenovanju vršioca dužnosti predsjednika i članova Upravnog odbora JU Narodno pozorište Sarajevo (broj: 02-04-42845-24.2/25) od 21.08.2025.godine)
2. Zapisnik sa sto devetnaeste sjednice Upravnog odbora (broj: 05-5528/25) od 23.07.2025. godine
3. Odluka o razrješenju direktora JU Narodno pozorište Sarajevo Edina Mustafića
4. Odluka o imenovanju vršioca dužnosti direktora Javne ustanove Narodno pozorište Sarajevo
5. Odluka o plaćanju izvođenja koncerta Big Band-a kojeg zastupa Udruženje muzičara Saraj Pro-Brass, po Ugovoru o poslovnoj saradnji (broj: 05-KNU-4361/25) od 10.06.2025. godine, a po fakturi od 15.08.2025.godine
6. Molba Mie Jahić za finansiranje školarine (broj: 4066/25) od 26.05.2025.godine na Kraljevskoj akademiji za ples, na dvogodišnjem programu Master studija-magistar umjetnosti u obrazovanju (baletna pedagogija)
7. Tekuća pitanja

Sjednicom predsjedavala Edina Papo, predsjednica Upravnog odbora.

1. Konstituiranje vršioca dužnosti Upravnog odbora JU Narodno pozorište Sarajevo u skladu sa Rješenjem Vlade KS o imenovanju vršioca dužnosti predsjednika i članova Upravnog odbora JU Narodno pozorište Sarajevo (broj: 02-04-42845-24.2/25) od 21.08.2025.godine)

U skladu sa Rješenjem Vlade Kantona Sarajevo o imenovanju vršioca dužnosti predsjednika i članova Upravnog odbora JU Narodno pozorište Sarajevo (broj: 02-04-42845-24.2/25) od 21.08.2025.godine) konstituiran je Upravni odbor Javne ustanove Narodno pozorište Sarajevo.

Vlada Kantona Sarajevo, na 90. sjednici održanoj 21.08.2025. godine, donijela je Rješenje o imenovanju vršioca dužnosti predsjednika i članova Upravnog odbora JU Narodno pozorište Sarajevo (broj: 02-04-42845-24.2/25) od 21.08.2025.godine)

Za vršioca dužnosti predsjednika i vršioca dužnosti članove Upravnog odbora JU Narodno pozorište Sarajevo imenovani su, na period od najviše tri (3) mjeseca počev od 21.08.2025.godine: Edina Papo, vd predsjednica; Amila Ramović, vd članica; Ljubica Pihljak, vd članica; Mirza Pašić, vd član i Merima Lepić-Redžepović, vd članica (ispred ustanove).

Vd Upravnog odbora upoznato sa Poslovníkom o radu Upravnog odbora JU Narodno pozorište Sarajevo (broj: 05-2531/21) od 10.09.2021.godine i normativnim aktima Pozorišta.

2. Zapisnik sa sto devetnaeste sjednice Upravnog odbora (broj: 05-5528/25) od 23.07.2025. godine

Vd Upravni odbor jednoglasno usvaja Zapisnik sa sto devetnaeste sjednice Upravnog odbora (broj: 05-5528/25) od 23.07.2025.godine.

3. Odluka o razrješenju direktora JU Narodno pozorište Sarajevo Edina Mustafića

Direktoru Edinu Mustafiću 06.08.2025.godine je istekao mandat. Edin Mustafić je imenovan za direktora JU Narodno pozorište Sarajevo Odlukom v.d. Upravnog odbora (broj: 05-2143/21) od 23.07.2021. godine i Odlukom Vlade Kantona Sarajevo o davanju saglasnosti vd Upravnom odboru o imenovanju direktora (broj: 02-04-29941-10.2/21) od 05.08.2021.godine na mandatni period od četiri (4) godine počev od 06.08.2021.godine.

Edin Mustafić je zahvalio na saradnji i izvjestio vd upravni odbor da je realizirao skoro 90% ciljeva utvrđenih Programom rada. JU Narodno pozorište Sarajevo ostaje produkcijski spremna na početku sezone. Opera i Balet imaju plan premijernih izvedbi za mart i april sljedeće godine, utvrđene su produkcijske aktivnosti do kraja godine i finansijski proračuni po kojima će JU Narodno pozorište Sarajevo završiti ovu budžetsku godinu u skladu sa planiranim i raspoloživim finansijskim sredstvima i utvrđenim budžetom i otvoriti put novom menadžmentu.

Lejla Bračković je osobno i u ime uposlenika Pozorišta zahvalila Edinu Mustafiću na visokom stepenu saradnje, timskom radu koji je bio produktivan i uspješan u svim segmentima: umjetničkim, tehničkim i administrativnim. Istakla je izuzetno razumijevanje za sve uposlene, konstruktivnu saradnju i uzajamna uvažavanja, kao i visok stepen produktivnosti.

Vd Upravni odbor izražava žaljenje što Mustafić ne može vršiti dužnost direktora u prelaznom periodu, do imenovanja novog direktora, što bi bilo jedino logično rješenje.

Vd Upravni odbor sa četiri glasa za i jednim suzdržanim (Merima Lepić-Redžepović) donosi odluku:

3.1. Razrješava se direktor JU Narodno pozorište Sarajevo Edin Mustafić sa dužnosti direktora Ustanove iz razloga isteka mandata na koji je imenovan, sa danom 04.09.2025. godine.

3.2. Odluka stupa na snagu danom dobijanja saglasnosti Vlade Kantona Sarajevo, a primjenjuje se od 04. 09.2025. godine.

3.3. Ova Odluka će, putem Ministarstva kulture i sporta Kantona Sarajevo, biti dostavljena Vladi Kantona Sarajevo radi davanja saglasnosti, u skladu sa važećim propisima.

4. Odluka o imenovanju vršioca dužnosti direktora Javne ustanove Narodno pozorište Sarajevo

V.d. Upravnog odbora donosi jednoglasno Odluku o imenovanju **Edine Gajević Dević** za vršioca dužnosti direktora Javne ustanove Narodno pozorište Sarajevo iz reda stručnih radnika zaposlenih u ustanovi.

Imenovani vršilac dužnosti direktora **Edina Gajević Dević** će rukovoditi ustanovom počev od 05.09.2025. godine na period do okončanja konkursne procedure imenovanja direktora, a najduže šest (6) mjeseci od dana imenovanja, nakon čega će se kao radnik rasporediti na radno mjesto u ustanovi koje je obavljao do imenovanja.

Odluka stupa na snagu danom dobijanja saglasnosti Vlade Kantona Sarajevo, a primjenjuje se po razrješenju Edina Mustafić, tj. od 05.09.2025. godine.

Odluka o imenovanju vršioca dužnosti direktora Javne ustanove Narodno pozorište Sarajevo dostavlja se Vladi Kantona Sarajevo, putem resornog Ministarstva kulture i sporta Kantona Sarajevo, radi dobijanja saglasnosti.

5. Odluka o plaćanju izvođenja koncerta Big Band-a kojeg zastupa Udruženje muzičara Saraj Pro-Brass, po Ugovoru o poslovnoj saradnji (broj: 05-KNU-4361/25) od 10.06.2025. godine, a po fakturi od 15.08.2025.godine

Odobrava se plaćanje izvođenja koncerta Big Band-a kojeg zastupa Udruženje muzičara Saraj Pro-Brass po Ugovoru o poslovnoj saradnji (broj: 05-KNU-4361/25) od 10.06.2025. godine, a po fakturi od 15.08.2025. godine.

6. Molba Mie Jahić za finansiranje školarine (broj: 4066/25) od 26.05.2025.godine na Kraljevskoj akademiji za ples, na dvogodišnjem programu Master studija-magistar umjetnosti u obrazovanju (baletna pedagogija)

Vd Upravni odbor i Javna ustanova Narodno pozorište Sarajevo imaju kadrovski i umjetnički interes da pozicija baletnog pedagoga koju obnaša višegodišnja članica Baleta **Mia Jahić** bude na najvišem edukacijskom i artističkom nivou. Profesionalno usavršavanje na Kraljevskoj plesnoj akademiji iz Londona jeste jedna od najznačajnijih i najcjenjenijih adresa baletne umjetnosti u Evropi.

Vd Upravni odbor podržava stručno usavršavanje svojih uposlenika koji su na deficitarnim pozicijama u Organizacionoj jedinici Balet, tim prije što ne postoji adekvatna visokostručna obrazovna institucija u državi Bosni i Hercegovini i regionu.

Program ove cijenjene Akademije omogućava **Mii Jahić** da pedagoški i umjetnički preuzme odgovornost razvijanja Baleta Narodnog pozorišta Sarajevo kao i kreativne procese na realizaciji premijernog i repriznog repertoara utvrđenog programom rada.

Vd upravni odbor konstatuje da JU Narodno pozorište Sarajevo nema Pravilnik o edukaciji umjetnika, niti sredstva u Budžetu planirana za ovu namjenu i jednoglasno donosi zaključak:

Javna ustanova Narodno pozorište snosit će troškove školarine za **Miu Jahić** raspoređenu na radno mjesto: baletmajstor u skladu sa finansijskim mogućnostima.

7. Tekuća pitanja

Vd Upravni odbor konstatuje da je direktor **Edin Mustafić** preuzeo i zatekao JU Narodno pozorište Sarajevo u veoma lošoj poziciji i uspio ostavariti izuzetne rezultate uprkos teškim uslovima, manjku podrške i

vizije koju bi i nadležni morali imati. Vd Upravni odbor upućuje apel da se pažljivo razmotri ko će voditi ovu kuću, kako bi plodni procesi bili nastavljeni. Cijene da je potreban još jedan mandatni period da se zaštite ideje koje su dijelom, ali ne i potpuno implementirane. Upravni odbor ističe rezultate rada koji su ne samo statistički pokazatelji.

Sjednica održana u Biblioteci

Trajanje sjednice: 11,00-12,30 h

Vd predsjednica Upravnog odbora

EDINA PAPO

Dostaviti: članovi Upravnog odbora, Ministarstvo kulture i sporta Kantona Sarajevo, Pravna i kadrovska služba, web.nps.ba i a/a